



Broj: 03-45-1-1702/23
Datum: 16.10.2023.godine

OPĆINSKO VIJEĆE MAGLAJ

Predmet: Izvještaj o radu JU “Dječiji vrtić” Maglaj za školsku 2022/2023.godinu i
Godišnji program rada JU “Dječiji vrtić” Maglaj za školsku 2023/2024 godinu,
dostavlja se,-

Planom i programom rada Općinskog Vijeća Maglaj za 2023.godinu planirane su tačke Dnevnog reda : “Izvještaj o radu JU “Dječiji vrtić” Maglaj za školsku 2022/2023. godinu” i „Godišnji program rada JU “Dječiji vrtić” Maglaj za školsku 2023/2024 godinu” sa finansijskim pokazateljima utroška sredstava iz Budžeta Općine Maglaj.

Iz dokumentacije dostavljene Službi vidljivo je da je JU „Dječiji vrtić“ za školsku 2022/2023 godinu poslovala pozitivno i da je Upravni odbor ove javne ustanove usvojio Izvještaja o radu.

Također je vidljivo da je od strane Pedagoškog zavoda Zenica aktom broj: 10-1-34-08044-2/23 od 25.09.2023.godine, Javnoj ustanovi „Dječiji vrtić“ Maglaj data Saglasnost na „Godišnji programa rada za školsku 2023/2024 godinu“, te na osnovu navedenog Služba dostavlja :

- Izvještaj o radu JU “Dječiji vrtić” Maglaj za školsku 2022/2023. godinu
- Godišnji program rada JU “Dječiji vrtić” Maglaj za školsku 2023/2024 godinu

Općinskom vijeću Maglaj na razmatranje i usvajanje.

Obradivač:
Služba za boračko-invalidsku i socijalnu zaštitu,
opću upravu i društvene djelatnosti

DOSTAVLJENO:

- 1.Naslovu,
2. a/a



OPĆINSKI NAČELNIK
Mirsad Mahmutagić

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
JAVNA USTANOVA „DJEČIJI VRTIĆ“
MAGLAJ

FEDERACIJA BOSNE I HERCEGOVINE
OPĆINA MAGLAJ
Služba za boračko-invalidsku i socijalnu zaštitu
opću upravu i društvene djelatnosti

PRIMLJENO	29.09.2023.		
Broj jedinica	Klasif. oznaka	Posni broj	Broj priloga
		4289	

Broj: 211/23

Datum, 29.09.2023.godine

OPĆINA MAGLAJ

Služba za BISZ, opću upravu i društvene djelatnosti

Služba za poslove privrede, finansija i razvoj poduzetništva

Predmet: Dostava Izvještaja o radu JU „Dječiji vrtić“ Maglaj za šk. 2022/2023.godinu i
Finansijskog izvještaja za 2022.godinu

Poštovani,

Dostavljamo Vam Izvještaj o radu JU „Dječiji vrtić“ Maglaj za razdoblje 01.09.2022. do
31.08.2023.godine i Finansijski izvještaj za razdoblje 01.01.2022. do 31.12.2022.godine, kao i
Odluku Upravnog odbora o usvajanju Izvještaja o radu i finansijskog izvještaja broj: 24/23 od
28.09.2023.godine.

S poštovanjem,

Direktorica,

Kanita Bašić

Dostavljeno :

1. Naslovu
2. Arhiva



Izveštaj Javne ustanove Dječiji vrtić za razdoblje: 01. 09. 2022. do 31. 08. 2023. godine

Finansijski izvještaj 01.01. 2022. do 31. 12. 2022. godine

Aktivnosti u razdoblju od 01. 09. 2022. do 31. 08. 2023. godine	
<input type="checkbox"/> Aktivnosti	<p>Javna ustanova Dječiji vrtić Maglaj, ustanova u državnom vlasništvu čiji je osnivač Općina Maglaj, obavlja djelatnost predškolskog odgoja i obrazovanja kroz Cjeloviti razvojni program za djecu koja redovno pohađaju ustanovu i Program obaveznog predškolskog odgoja i obrazovanja za djecu u godini pred polazak u osnovnu školu u trajanju od tri mjeseca.</p> <p>Zakonski akti na osnovu kojih se odvija rad predškolskih ustanova su:</p> <ol style="list-style-type: none">1. Zakon o predškolskom odgoju i obrazovanju (Sl. novine ZDK, broj: 7/10);2. Pedagoški standardi i normativi za predškolski odgoj i obrazovanje (Sl. novine ZDK, broj: 2/11);3. Pravilnik o vođenju pedagoške i ostale evidencije i dokumentacije u predškolskim ustanovama (Sl. novine ZDK, broj: 8/11);4. Pravilnik o stručnom nadzoru nad predškolskim ustanovama (Sl. novine ZDK, broj: 8/11). <p>Drugi zakonski i podzakonski akti.</p> <p>U periodu za koji je sačinjen ovaj izvještaj, a na osnovu spiskova djece evidentno je da se broj upisane djece kretao od 87-99. Djeca su bila raspoređena u četiri odgojno - obrazovne grupe. Rad sa djecom se odvijao u dvije vrtičke grupe (mlađa i starija) koji su realizovale četiri profesorice predškolskog odgoja i obrazovanja .</p> <p>U starijoj jasličkoj grupi rad sa djecom realizovale su dvije profesorice predškolskog odgoja i obrazovanja, dok su u mlađoj jasličkoj grupi rad realizovale dvije medicinske sestre-njegovateljice.</p> <p>Aktivnosti ustanove detaljno su prikazane u Godišnjem programu rada (skraćeno GPR) urađenog po Metodologiji za izradu GPR-a koja je propisana od strane Ministarstva za obrazovanje, nauku, kulturu i sport (MONKS) ZDK, a koji je dobio potrebnu saglasnost Pedagoškog zavoda br. br. 10-1-34-08422-2/22 od 22.09.2022.godine ,a koji obuhvata sljedeće:</p> <ol style="list-style-type: none">1. Realizaciju Cjelovitog razvojnog programa (CRP) predškolskog odgoja i obrazovanja kroz planiranje i programiranje odgojno-obrazovnog rada u skladu sa uzrastom djece, planiranje izleta, posjeta i sl. Program se realizovao tokom cijele godine, kroz zajedničke aktivnosti u toku nastavne godine i slobodne aktivnosti u toku zimskog i ljetnog perioda.

2. Stvaranje optimalnih zdravstveno-higijenskih uslova.

Zdravstveno-higijenski uslovi u vrtiću su na zadovoljavajućem nivou. Sav korisni prostor objekta redovno se održavao. U cilju stvaranja povoljnih zdravstveno-higijenskih uslova ustanova redovno saraduje sa Institutom za zdravlje i sigurnost hrane Zenica, te Higijensko epidemiološkom službom Javne ustanove Dom zdravlja Maglaj.

- Vršiti se redovan pregled ispravnosti hrane, briseva površina i osoba u kuhinji - jednom mjesečno;
- Vršiti se redovna proljetna i jesenja deratizacija kao i deratizacija u slučaju ukazane potrebe na poziv ustanove - dva puta u toku godine;
- Vršiti se redovna dezinfekcija - svaka dva mjeseca (šest puta godišnje);
- Vršiti se redovna dezinfekcija - svaka tri mjeseca (četiri puta godišnje);
- Vršiti se redovan sanitarni pregled zaposlenika - kuharice i spremačice dva puta u toku godine, a ostalih zaposlenika jednom u toku godine;
- Vršiti se sistematski pregled svih zaposlenika u toku godine (do kraja septembra tekuće školske godine);
- Kuharica i spremačica imaju uredno položen sanitarni minimum (polaže se svake četvrte godine);
- Za svako novo dijete prilikom upisa u vrtić roditelji prilažu ljekarsko uvjerenje, vrše se pregledi i provjeravaju brisevi nosa, guše i stolice (za djecu koja su duže od godinu dana u vrtiću).

3. Organizaciju kuhinje.

Vrtić raspolaže vlastitom kuhinjom 60 m² i sa dvije trpezarije (površine 60 m² i 30m²). Kuhinja zadovoljava potrebe u procesu pripremanja obroka. Na poslovima pripremanja i distribucije hrane, te održavanju kuhinje i trpezarije angažovana je jedna kuharica i jedna spremačica. Kroz saradnju sa Institutom za zdravlje i sigurnost hrane ZE-DO kantona realizuje se program higijenzacije kroz DDD mjere i mikrobiološko ispitivanje briseva (hrane i površina).

Tim programom obuhvaćene su sljedeće aktivnosti:

- Ispitivanje zdravstvene ispravnosti namirnica uzetih slučajnim uzorkom,
- Pregled lica pod zdravstvenim nadzorom /brisevi ruku i radnih mantila/,
- Kontrola higijene radnih površina, opreme za rad, posuđa za distribuciju hrane,
- Kontrola energetske vrijednosti obroka,
- Kontrola i pregled uslova u kuhinji.

Navedeni program realizuje se jednom mjesečno.

4. Obezbjedenje i organizaciju kadrova.

Na osnovu Pedagoških standarda i normativa broj uposlenika se utvrđuje zavisno od broja odgojnih grupa, trajanju i vrsti programa, te konkretnim uslovima rada. Programe predškolskog odgoja i obrazovanja realizuju odgajateljice (ukupno 6) – profesorice predškolskog odgoja i obrazovanja, dok njegu i brigu o zdravlju djece obavljaju zdravstvene radnice - njegovateljice sa srednjom medicinskom školom (ukupno 2).

5. Realizaciju specijaliziranih razvojnih programa.
Pored CRP-a u ustanovi se realizovao engleski jezik i islamska vjeronauka (na osnovu saglasnosti MONKS-a broj: 10-34-12700-03/22 od 12.09.2022.godine).
Programom učenja engleskog jezika i vjeronauke bila su obuhvaćena djeca starije vrtićke grupe (od 4,5 godine života do polaska u školu - njih 29-ero). Engleski jezik realizira uposlenik iz predškolske ustanove, a islamsku vjeronauku predstavnik Medžlisa islamske zajednice Maglaj.
6. Interventni, kompenzacijski i rehabilitacijski programi.
Ukoliko se u školskoj godini u ustanovu upiše dijete ili više djece iz pomenute kategorije, poštujući Zakon o predškolskom odgoju i obrazovanju ZDK, a pridržavajući se propisanih Pedagoških standarda i normativa za predškolski odgoj i obrazovanje, uz pomoć stručnih osoba- spoljnih saradnika (logopeda, psihologa, defektologa i dr.) ustanova će sačiniti individualni program rada i djelovati u skladu s istim.
7. Program jačanja roditeljskih kompetencija.
Roditeljima omogućavamo da svoje roditeljske vještine i roditeljsku kompetenciju uče i usavršavaju kroz saradnju sa Stručnim vijećem ustanove, Vijećem roditelja, kroz roditeljske sastanke, individualne razgovore, radionice sa roditeljima, predavanja i sl.
8. Realizacija Programa obaveznog predškolskog odgoja i obrazovanja za djecu u godini pred polazak u osnovnu školu (POPOiO).
U 2022/2023.školskoj godini, realizovan je Program obaveznog predškolskog odgoja i obrazovanja (POPOiO) za 98 djece koja nisu bila obuhvaćena niti jednim vidom predškolskog odgoja i obrazovanja. Rad je organizovan u matičnim i područnim školama u šest grupa i četiri kombinacije (Osnovna škola „Maglaj“, Osnovna škola „Novi Šeher“, PŠ Moševac ,Tujnica, Kosova i Čobe/Kopice) i četiri kombinacije (PŠ Bočinja, Bradići, Ulišnjak i Liješnica).
Program POPOiO su realizovale jedna nastavnica predškolskog odgoja i obrazovanja (2 grupe), dvije profesorice razredne nastave - za koje postoji saglasnost MONKS-a broj:10-34-19441-11/23 od 02.03.2023. godine (4 grupe), i četiri profesorice razredne nastave (4 kombinacije).
9. Realizacija inovacija-projekata.
U vrtiću se kao i svake godine, a u sklopu Dječije nedjelje realizovala inovacija (iz GPR-a) „Romobilijada“, gdje su se djeca takmičila u vožnji romobila (uzrast od 4 godine do polaska u školu - oko 50-ero djece). Ovom inovacijom ostvarena je saradnja sa roditeljima kroz pomoć i podršku pri realizaciji iste,te će se raditi na tome da ova aktivnost postane tradicija, koju bi vremenom omasovili, na način da uključimo i onu djecu koja nisu uključena u predškolske ustanove, te djecu koja pohađaju prvi razred osnovne škole.
Pilot projekat „Put oko svijeta“ je također inovacija iz GPR-a gdje su djeca imala priliku da se upoznaju sa kulturom, običajima i tradicijom naroda iz drugih zemalja svijeta. U sklopu projekta realizovale su se aktivnosti „Čaj uz Bosfor - Turska“, „Od Bosne do Kineskog zida“, „Bella Italia“ i „Let na drugi kontinent“. Svaka država obrađivala se zasebno uz akcenat na najznačajnije i najzanimljivije karakteristike iste.

Projekat „Ritam, zvuk i ples“ je projekat osmišljen u cilju upoznavanja, ali i poboljšanja već postojećeg znanja o različitim muzičkim pravcima, muzičkim instrumentima, razvoju ritma, sluha i muzičke kreativnosti. Kroz različite aktivnosti i radionice djeca su iz dvije vrtičke grupe imala priliku da se upoznaju sa različitim muzičkim pravcima (sevdah/folk, pop/rock i klasika), njihovim karakteristikama i obilježjima te pratećim instrumentima.

Učešće u programu/projektu “Zdravo jedi, zdravo rasti”, podržanom od strane UNICEF-a, u kojem je naš vrtić bio jedini izabrani vrtić u Ze-do kantonu koji je pristupio akreditaciji kako bi stekli naslov “Odgojno - obrazovna ustanova - prijatelj zdrave ishrane”.

(06.12.2022.godine u Sarajevu je održana završna radionica programa “Zdravo jedi, zdravo rasti” - peta faza projekta. Nakon prezentacije provedenog programa svečano nam je uručena akreditacija/certifikat za učešće u provođenju inicijative kojom smo stekli akreditiv „Odgojno-obrazovna ustanova-prijatelj zdrave ishrane”).

- januar 2023.- Projekat „Rekonstrukcija dijela fasade sa izolacijom vrtića“ - Eufor Turska vojna misija u BiH (rezultati i odgovor se čekaju).

- Apliciranje na projekat (online prijava) 31.03.2023.godine “ Priroda koju volim” - vrtić nije prošao prvu selekciju odabira.

10. Realizacija sjednica Stručnog vijeća/aktiva.

(realizovano 8 sjednica u toku školske godine)

Na sjednicama Stručnog vijeća - aktiva se izlažu i prezentiraju stručne teme, planiraju i organizuju odgojno-obrazovne aktivnosti, te se izvještava o provedenim aktivnostima.

11. Stručno osposobljavanje kroz realizaciju stručnih tema i oglednih aktivnosti kao i drugih oblika stručnog osposobljavanja seminari/radionice i sl. (plan i program stručnog usavršavanja kao i teme za realizaciju su navedene u GPR-u).

12. Praćenje oglašavanja Javnih poziva za dodjelu donacija, izrada projekata i prijava.

Ustanova realizuje još niz aktivnosti koje su rezultat ideja i kreativnosti stručnih uposlenika na čelu sa direktoricom, a inicirane su nekom vanrednom situacijom u ustanovi ili gradu.

U vrtiću se obilježavaju brojne priredbe i proslave uz raznolik sadržaj (predstave i priredbe osmišljene i realizovane od strane stručnog osoblja ustanove), a djeca sudjeluju i u mnogim događajima i manifestacijama izvan same ustanove.

Kroz cijelu godinu sa djecom se obilježavaju tematski važni dani i datumi planirani godišnjim programom rada, koji imaju za cilj poticanje samostalnosti u svim životnim aspektima razvoja, kroz učenje, istraživanje, upoznavanje prirode i prirodnih procesa, zanimanje za tradiciju i običaje i sl.

Neke od realizovanih aktivnosti i ostvarene saradnje iz segmenta kulturne i javne djelatnosti predškolske ustanove u šk. 2022/2023.godini su :

- 14.15. i 16.09.2022.godine - realizacija sedmične teme „Zanimanja“ (posjete ustanovama – Ju Opća biblioteka, Policijska stanica Maglaj i Vatrogasna jedinica Maglaj) ,
- 17.09.2022.godine - prigodan program povodom obilježavanja dana

Općine Maglaj, druženje sa načelnikom i djecom iz drugih vrtića sa područja lokalne zajednice u kino sali Doma kulture „Edhem Mulabdić“ Maglaj,

- 03.10 - 21.10.2022.godine - realizacija aktivnosti povodom Dječije nedjelje, koje su podrazumjevale :
 - saradnju sa JU Centarom za djecu i odrasle sa posebnim potrebama Zeničko - dobojskog kantona, te obilježavanje početka Dječije nedjelje simboličnom šetnjom kroz grad,
 - ugostili smo naše drugare iz susjednog vrtića PPU "Vesela duga" Maglaj, te smo željeli istaknuti i naglasiti naše pravo na sretno i zdravo prijateljstvo,
 - posjetu starijih drugara iz V-b sa učiteljicom Almom Pašić, gdje smo uživali svi zajedno u razmjeni raznih recitacija i pjesmica koje najviše govore o dječijim pravima, ali i obavezama,
 - realizaciju usmjerenih aktivnosti u svim odgojno-obrazovnim grupama,
 - drugari iz mlađe i starije vrtićke grupe su prisustvovali času tjelesnog odgoja pod vodstvom profesorice Ervine Biberović u sportskoj dvorani Maglaj,
 - jesenju aktivnost jasličkog aktiva,
 - posjetu policijskih službenika iz Policijske stanice Maglaj (IMAM PRAVO NA ZAŠTITU I SIGURNOST),
 - obilježavanje Svjetskog dana hrane, uz koji se usko veže i Svjetski dan hljeba (IMAM PRAVO JESTI ZDRAVO!)
 - održavanje Romobilijade 2022,
 - posjetu JU Dom kulture "Edhem Mulabdić" Maglaj povodom izvedbe lutkarske predstave "Psić boje neba",
 - interaktivnu radionicu sa djecom i kuharima iz Udruženja kuhara BiH - demonstracija primjera zdravog doručka - sendviča od cjelovitih žitarica,
 - obilježavanja Svjetskog dana jabuka - drugari iz starije vrtićke grupe su posjetili prvačice JU OŠ "Maglaj" u Maglaju i tim povodom svakom drugaru uručili zdravu užinu – jabuku!
 - izlet na Malak farmu u Kaknju.
- 04.11.2022.godine - prisustvovali dijelu Svečane akademije povodom godišnjice formiranja 327. Viteške bbr.(poziv od Udruženja boraca 327.),
- 10.11.2022.godine - posjeta hipermarketu Bingo,
- 24.11.2022.godine - priredba povodom Dana državnosti,
- 15.12.2022.godine - skrining vida kod djece (2017/2018 godište), „Pregledaj - progledaj“ (Federalni zavod za javno zdravstvo),
- 22.12.2022.godine - svečana novogodišnja priredba sa Djeda Mrazom i podjelom paketića u kino sali Doma kulture "Edhem Mulabdić" Maglaj,
- 24.12.2022.godine - Otvaranje novogodišnje čarolije , nastup drugara iz starije vrtićke grupe u novom gradskom parku,
- 27.12.2022.godine - drugari iz vrtićkih grupa prisustvovali projekciji filma "Mačak u čizmama" u kino sali Doma kulture "Edhem Mulabdić" Maglaj.
- 27.02.2023.godine - Priredba povodom Dana nezavisnosti BiH (učešće drugara dvije vrtićke grupe),
- 28.02.2023.godine - Svečana akademija povodom Dana nezavisnosti BiH (učešće drugara starije vrtićke grupe),
- 08.03.2023.godine - Priredba povodom Dana žena (učešće drugara iz tri odgojno-obrazovne grupe),
- 17.03.2023.godine - Radionica reciklaže sa uposlenicama kompanije Natron Hayat (učešće drugara iz starije vrtićke grupe),
- 22.03.2023.godine - Obilježavanje Svjetskog dana voda (posjeta drugara starije vrtićke grupe Izvorištu odakle se naš grad snabdjeva vodom),
- 31.03.2023.godine - Posjeta JU Opća biblioteka Maglaj (posjeta i aktivnost povodom 65. rođendana biblioteke),

	<ul style="list-style-type: none"> • 07.04.2023.godine - Posjeta lovačkom društvu „Soko“ Maglaj (obrada sedmičnih tema - domaće i divlje životinje), • 14.04.2023.godine - Svečana akademija povodom obilježavanja Dana Armije Republike Bosne i Hercegovine i Dana oslobođenja Maglaja u Drugom svjetskom ratu (učesće drugara starije vrtičke grupe), • 20.04.2023.godine - Obilježavanje Dana planete Zemlje, • 17 i 19.05.2023.godine - posjeta predškolaca/budućih školaraca JU OŠ "Maglaj" i JU "Prva osnovna škola" u Maglaju, • 06.06.2023.godine - završena realizacija Programa obaveznog predškolskog odgoja i obrazovanja uz prigodan program i podjelu Uvjerenja, • 09.06.2023.godine - Završna priredba / ispraćaj predškolaca, • 17.07.2023.godine - Održana radionica na temu: "Sigurnost djece u kontaktu sa nepoznatim psima" koju su održali predstavnici Dogs Trust-a. <p>U okviru odgojno - obrazovnog rada, a u toku zimskog (januar) i ljetnog (juni, juli, august) perioda realizuju se slobodne aktivnosti, igre u dvorištu, šetnje i posjete različitim ustanovama i sl.</p> <p>Aktivnosti koje su realizirane su funkcionalne i imaju značajan doprinos kako za Ustanovu tako i za lokalnu i širu društvenu zajednicu. Vodi se poseban dosije za realizirane aktivnosti iz ovog segmenta. Sve važnije aktivnosti i manifestacije unose se i u ljetopis Ustanove.</p>
<input type="checkbox"/> Komunikacija s građanima	<p>Kada je riječ o JU „Dječiji vrtić“ Maglaj kao predškolskoj ustanovi komunikacija sa građanima odvija se u okviru njihove potrebe za informacijama o načinima i uslovima upisa djece u vrtić, ali i aktivnostima same ustanove, odnosno njenih uposlenika u saradnji sa roditeljima. Komunikacija se odvija i putem lokalnih medija u obliku izvještavanja i informacija kao i putem interneta (FB profil) na kojem građani svakodnevno mogu da vide aktivnosti koje se provode unutar ustanove. Interna komunikacija sa roditeljima djece koja pohađaju vrtić vrši se svakodnevno putem oglasnih tabli i na individualnim ili grupnim roditeljskim sastancima.</p>
<input type="checkbox"/> Komunikacija s višim razinama vlasti, međunarodnim organizacijama itd.	<p>Ustanova u svom radu ostvaruje stalnu, neposrednu saradnju i povezanost sa lokalnom i širom društvenom zajednicom putem kulturnih i sportskih sadržaja, kao i kroz posjete ustanovama od posebnog društvenog značaja.</p> <p>U cilju efikasnijeg realizovanja odgojno-obrazovnih aktivnosti, te programa njege i zaštite djece predškolskog uzrasta, brige o zdravlju i sticanju higijenskih navika, ostvarena je saradnja sa zdravstvenim institucijama (JU Dom zdravlja Maglaj, Institut za zdravlje i sigurnost hrane Zenica, Zavod za javno zdravstvo FBiH, Federalno ministarstvo zdravstva).</p> <p>Stalna je saradnja sa: Općinom Maglaj, MONKS-om ZDK, osnovnim školama sa područja Općine Maglaj, Domom kulture „Edhem Mulabdić“ Maglaj, KJD-om Maglaj, JU Općom bibliotekom Maglaj,, Policijskom stanicom Maglaj, Vatrogasnom jedinicom Maglaj, Eufor-om Turske vojne misije u BiH, raznim udruženjima i privatnim predškolskim ustanovama na području općine Maglaj, a ostvarena je saradnja i sa : Federalnim ministarstvom obrazovanja i nauke, UNICEF-om BiH, Udruženjem kuhara BiH, UG za promociju umjetnosti, nauke, kulture i sporta u društvu - PUNKS iz Banja Luke i kompanijom Natron Hayat .</p>
<input type="checkbox"/> Najvažnija dostignuća	<p>Učešće na brojnim edukacijama, radionicama, predavanjima i stručnim usavršavanjima uposlenih kojima stičemo nova znanja kroz primjenu savremenih metoda rada iz oblasti predškolskog odgoja i obrazovanja, te primjenjivanje istih u procesu odgoja i obrazovanja važna su dostignuća u našem radu.</p>

	<p>Dana 19.09.2022.godine u vrtiću je održana uvodna radionica u okviru pete faze programa “ Zdravo jedi, zdravo rasti ”, podržanog od strane UNICEF-a, u kojem je naš vrtić bio jedini izabrani vrtić u Ze-do kantonu koji je pristupio akreditaciji kako bi stekao naziv “ Odgojno - obrazovna ustanova - prijatelj zdrave ishrane”. Dana 06.12.2022.godine u Sarajevu je održana završna radionica programa “Zdravo jedi, zdravo rasti”. Nakon prezentacije provedenog programa svečano nam je uručena akreditacija/certifikat za učešće u provođenju inicijative kojom smo stekli <u>akreditiv</u> „<u>Odgojno-obrazovna ustanova-prijatelj zdrave ishrane</u>” .</p> <p>(projektom su koordinirali predstavnici Federalnog ministarstva obrazovanja i nauke, Federalnog ministarstva zdravstva, Zavoda za javno zdravstvo Federacije BiH i UNICEF-a BiH kao i članovi vrtićke radne grupe).</p> <p>Naša ustanova je u novembru 2022.godine i martu 2023.godine bila domaćin seminaru (I i II modul) pod nazivom „Muzičko-metodičke kompetencije odgajatelja u predškolskim ustanovama” a u organizaciji UG za promociju umjetnosti, nauke, kulture i sporta u društvu - PUNKS iz Banja Luke. Seminaru su prisustvovali savjetnica za predškolski odgoj i obrazovanje Naira Jusufović i predavač doc.dr. Darko Ratković, profesor na Filozofskom fakultetu Univerziteta u Banja Luci. Stručno osoblje naše ustanove imalo je priliku ugostiti predstavnike privatnih i javnih ustanova iz Žepča, Zavidovića i Maglaja.</p>
<input type="checkbox"/> Prepreke u radu	<p>Na osnovu svakodnevnih zahtjeva za upis djece u vrtić susrećemo se sa nizom prepreka zbog nemogućnosti primanja nove djece (svih uzrasta), jer nemamo dovoljno smještajnog prostora za boravak djece.</p> <p>Navedeni problem je moguće riješiti sa proširenjem samog objekta za dva boravka, a što je i moguće realizovati dogradnjom istog na već obezbjeđenom zemljištu uz postojeći objekat.</p>
<input type="checkbox"/> Unutarorganizacijske prepreke	/
<input type="checkbox"/> Prepreke iz okruženja	<p>Svakodnevni rast cijena i enormnih poskupljenja osnovnih životnih namirnica i energenata, a budući da su nam navedene stavke od ključnog značaja za rad, kvalitet usluga, opštu higijenu i raznovrstan didaktički i drugi radno-igrovni materijal za zanimljiviji i kvalitetniji boravak djece u našoj ustanovi, su trenutno najveća prepreka iz okruženja.</p>
<input type="checkbox"/> Preporuke za Općinsko vijeće	<p>Razmotriti opciju proširivanja/dogradnje objekta, kako bi obezbjedili boravak za svu djecu čije zahtjeve svakodnevno primamo.</p> <p>S obzirom na poskupljenje osnovnih životnih namirnica, izdataka za energiju kao i materijala za tekuće održavanje objekta razmotriti opciju povećanja cijene usluge vrtića koja nije promjenjena od 2006.godine (120 KM).</p> <p>Neophodno je stavljanje ove Ustanove u isti rang sa svim ostalim ustanovama.</p>

Broj uposlenih (prikazati kvalifikacionu strukturu uposlenih) : 13

1. Direktor 1-VSS
2. Administrativno-računovodstveni uposlenik 1 - SSS
3. Odgajatelj 6 - VSS
4. Njegovateljica 2 - SSS
5. Kuharica 1- KV
6. Spremačica 1 - NK
7. Radnik na održavanju higijene prostora- domar-ložač 1- KV

Finansiranje Ju „Dječiji vrtić“ Maglaj vrši se **iz sredstava budžeta Općine Maglaj** (sufinansiranje plaća zaposlenim, topli obrok, regres, naknada za UO i pomoć u slučaju smrti užeg člana porodice) i **iz vlastitih sredstava** (doprinosi na osnovicu i dio doprinosa iz osnovice, prevoz sa posla na posao, izdaci za materijal i usluge: izdaci za komunalne usluge, izdaci za energiju (električna energija i pelet), izdaci za tekuće održavanje, nabavka materijala (didaktički i administrativni materijal, hrana i sredstva za higijenu), bankarske, telefonske i poštanske usluge, ugovorene i druge posebne usluge (stručno usavršavanje, računovodstvene usluge, sistematski pregledi i sanitarne knjižice uposlenika, pregledi i ispitivanje hidrantske mreže i pp aparata sa obukom uposlenika, uzorkovanje hrane , dezinfekcija i dezinsekcija).

Imovina:	
<input type="checkbox"/> Stalna sredstva vrijednosti na dan 31.12.2022.	654.316
<input type="checkbox"/> Ispravka vrijednosti stalnih sredstava 31.12.2022.	799.904
<input type="checkbox"/> Obrtna sredstva vrijednosti na dan 31.12.2022.	22.496

Prihodi u 2022. godini	353.158
<input type="checkbox"/> Prihodi ostvareni redovnom djelatnošću	129.271
<input type="checkbox"/> Fakturisani prihodi	/
<input type="checkbox"/> Prihodi za poticaj zapošljavanja	/
<input type="checkbox"/> Prihodi iz Budžeta/Proračuna općine	194.579
<input type="checkbox"/> Ostali prihodi-iz Kantona (POPOIO)	29.308
<input type="checkbox"/> Donacije	/
<input type="checkbox"/> Bankovna kamata	/

Rashodi u 2022. godini		346.622
<input type="checkbox"/> Bruto plaće (ukupno)		217.815
<input type="checkbox"/> Najniža isplaćena plaća (Neto)		550
<input type="checkbox"/> Broj uposlenih sa najnižom plaćom		1
<input type="checkbox"/> Najviše isplaćena plaća (Neto)		1.295
<input type="checkbox"/> Narativno obrazloženje i da li se obračunavaju i plaćaju obaveze po osnovu poreza i doprinosa na isplaćene plaće. <p>1. Sredstva iz Budžeta Općine obuhvataju: sufinansiranje bruto plaće za trinaest uposlenika, topli obrok i regres za trinaest uposlenika u cjelosti, kao i naknada za slučaj smrti ili bolesti i naknada za rad UO-a.</p> <p>2. Sve obaveze po osnovu poreza i doprinosa na isplaćene plaće uredno se obračunavaju i plaćaju.</p>		
<input type="checkbox"/> Naknade troškova zaposlenih		Prijevoz na i sa posla – 3.380 Naknada za topli obrok – 33.761 Regres – 6.660 Otpremnina zbog odlaska u penziju – / Jubilarnе nagrade, darovi i slično – 8.760 Pomoć za slučaj smrti- / Ukupno: 52.561
<input type="checkbox"/> Doprinosi poslodavca		22.871
<input type="checkbox"/> Narativno obrazloženje	Navedeni iznosi obrazloženi su u prethodnim stavkama.	

Izdaci za materijal i usluge		53.375
<input type="checkbox"/> Putni troškovi		120
<input type="checkbox"/> Izdaci za energiju		12.631
<input type="checkbox"/> Izdaci za komunalne usluge		3.591
<input type="checkbox"/> Nabavka materijala i sitnog inventara		21.699
<input type="checkbox"/> Izdaci za usluge prevoza i gorivo		/
<input type="checkbox"/> Unajmljivanje prostora ili zgrade		150

<input type="checkbox"/> Izdaci za tekuće održavanje		2.209
<input type="checkbox"/> Izdaci za bankarske usluge		807
<input type="checkbox"/> Ugovorene usluge		12.168
<input type="checkbox"/> Tekući transferi		/
<input type="checkbox"/> Popis 10 najvećih i najznačajnijih dobavljača	<ol style="list-style-type: none"> 1. Bingo doo 2. „VOČKOPROM“ doo 3. Euro Stil doo 4. Doo „Karabaja“ Maglaj 5. Pekara NON-STOP 6. Magnet studio doo 7. Zajednička agencija „Obračun“ Maglaj 	

Potraživanja :		
<input type="checkbox"/> Potraživanja iz protekle godne		18.908
<input type="checkbox"/> Potraživanja iz prethodnog perioda		/
<input type="checkbox"/> Obaveze		/

Obaveze:		23.510
<input type="checkbox"/> Prema dobavljačima		2.034
<input type="checkbox"/> Prema uposlenima		21.476
<input type="checkbox"/> Bruto plaće		10.067
<input type="checkbox"/> Porezi i doprinosi na plaće		6.975
<input type="checkbox"/> Ostale obaveze po osnovu rada (topli obrok i prevoz)		4.434

Rezultat iz poslovanja:	
<input type="checkbox"/> Dobit	6.536
<input type="checkbox"/> Gubitak	

Po Periodičnom obračunu za period 01.01.- 31.12.2022. godine, JU Dječiji vrtić Maglaj ostvarila je finansijski rezultat Tekući suficit u iznosu od 6.536,00 KM, koliko iznosi i ukupan suficit,obzirom da u ovom periodu izvještavanja nije bilo kapitalnih primitaka i izdataka.

Ukupni prihodi i primici ostvareni su u iznosu od 353.158,00 KM.

Povećanje prihoda i primitaka ostvareno je na poziciji neporeznih prihoda i na tekućim transferima (od kantona i osnivača).

Na poziciji neporeznih prihoda ostvareno je povećanje u iznosu od 11.165,00 KM, a koji za izvještajni period iznose 129.271,00 KM.

Povećanje se odnosi na povećanje Tekućih transfera od kantona, koje iznosi 29.308,00 KM, a odnosi se na finansiranje Programa obaveznog predškolskog odgoja i obrazovanja od strane Ministarstva obrazovanja, nauke, kulture i sporta ZDK.

Ovaj projekat je podrazumjevaao finansiranje bruto palača sa doprinosom poslodavca, toplim obrokom, izdataka za prijevoz realizatora i dijela materijalnih troškova. Za isti izvještajni period prethodne godine tekući transferi od kantona nisu imali realizaciju ni po kom osnovu. Tekući transferi osnivača, Općine Maglaj za period 01.01.- 31.12.2022. godine za sufinansiranje djelatnosti Ustanove iznose 194.579,00 KM.

Ukupni rashodi i izdaci ostvareni su u iznosu od 346.622,00 KM.

Plaće i naknade zaposlenih sa doprinosom poslodavca (za uposlenike i realizatore POPOiO-a) za ovaj izvještajni period 01.01.- 31.12.2022. godine iznose 293.247,00 KM.

Izdaci za materijal, usluge i sitan inventar, izdaci za energiju, izdaci za nabavku prehrambenih proizvoda za pripremanje obroka za korisnike usluga ustanove i izdaci za tekuće održavanje objekta također bilježe povećanje u iznosu od 4.059,00 KM i iznose 53.375,00 KM.



OVLAŠTENA OSOBA

Edina Mačković, predsjednica UO

Edina Mačković

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
JAVNA USTANOVA "DJEČIJI VRTIĆ"
M A G L A J
UPRAVNI ODBOR

Broj: 24/23

Datum: 28.09.2023.godine

Na osnovu člana 40. Zakona o predškolskom odgoju i obrazovanju („Službene novine Zeničko-dobojskog kantona“ broj:7/10), te na osnovu člana 54. Pravila JU „Dječiji vrtić“ Maglaj, Upravni odbor JU „Dječiji vrtić“ Maglaj na sjednici održanoj 28.09.2023..godine, donosi:

ODLUKU

**o usvajanju Izvještaja o radu JU „Dječiji vrtić“ Maglaj
za razdoblje od 01.09.2022. do 31.08.2023. godine
i finansijskog izvještaja za razdoblje od 01.01.2022. do 31.12.2022.godine**

Upravni odbor JU „Dječiji vrtić“ Maglaj usvaja Izvještaj o radu JU „Dječiji vrtić“ Maglaj za razdoblje od 01.09.2022. do 31.08.2023.godine i Finansijski izvještaj od 01.01.2022. do 31.12.2022.godine.

S poštovanjem,

Predsjednica Upravnog odbora

Mačković Edina, dipl. pravnik



Dostavljeno :

1. Općina Maglaj
2. Arhiva

